

Na osnovu Odluke Vlade Tuzlanskog kantona o odobravanju novčanih sredstava za izgradnju mostova na lokalnim cestama Tuzlanskog kantona - potrošačka jedinica 22010001, broj 02/1-23-18154-1/25 od 10.06.2025. godine, Odluke o dopuni Odluke o odobravanju novčanih sredstava za izgradnju mostova na lokalnim cestama Tuzlanskog kantona - potrošačka jedinica 22010001, broj 02/1-23-35220/25 od 02.12.2025. godine, Saglasnosti Ministarstva trgovine, turizma i saobraćaja Tuzlanskog kantona broj D-05/1-23-036059-25 od 05.12.2025. godine, Javna ustanova Direkcija regionalnih cesta Tuzlanskog kantona, objavljuje:

JAVNI POZIV
za raspodjelu novčanih sredstava za izgradnju mostova na lokalnim cestama
Tuzlanskog kantona

I

Predmet javnog poziva je raspodjela novčanih sredstava preostalih nakon objavljenog Javnog poziva za raspodjelu novčanih sredstava za izgradnju mostova na lokalnim cestama Tuzlanskog kantona na web stranici Vlade Tuzlanskog kantona, Ministarstva trgovine, turizma i saobraćaja TK i Javne ustanove Direkcija regionalnih cesta TK od dana 01.07.2025 godine.

Raspodjela novčanih sredstava u iznosu od 201.512,78 KM koji je odobrila Vlada Tuzlanskog kantona, vršit će se prema uslovima i kriterijima za raspodjelu novčanih sredstava utvrđenih u Odluci Vlade Tuzlanskog kantona o odobravanju novčanih sredstava za izgradnju mostova na lokalnim cestama Tuzlanskog kantona - potrošačka jedinica 22010001, broj 02/1-23-18154-1/25 od 10.06.2025. godine i Odluci o dopuni Odluke o odobravanju novčanih sredstava za izgradnju mostova na lokalnim cestama Tuzlanskog kantona - potrošačka jedinica 22010001, broj 02/1-23-35220/25 od 02.12.2025. godine (u daljem tekstu: odluke Vlade Tuzlanskog kantona).

II

Osnovni kriteriji za raspodjelu novčanih sredstava utvrđeni u odlukama Vlade Tuzlanskog kantona su:

- da se projekat odnosi na izgradnju mosta koji se nalazi na mreži lokalnih cesta kojima upravlja nadležna jedinica lokalne samouprave na području Tuzlanskog kantona,
- da se uz zahtjev priloži glavni projekat izgradnje mosta na lokalnoj cesti koji se nalazi na području Tuzlanskog kantona
- da je podnosilac zahtjeva nadležni upravitelj lokalne ceste u skladu sa Zakonom o cestama Federacije Bosne i Hercegovine („Službene novine Federacije Bosne i Hercegovine“, br.12/10, 16/10 i 66/13)
- da su riješeni svi imovinsko- pravni odnosi na teritoriji obuhvata projekta i da je ishodovano odobrene za građenje mosta,
- da se radi o projektu koji je od značaja za turizam, industriju, privredu ili druge aktivnosti od značaja za lokalnu zajednicu i Tuzlanski kanton u cjelini (predmet bodovanja projekata).

III

Prijava se podnosi na propisanom obrascu- Obrazac 1. koji se preuzima na web stranici JU Direkcija regionalnih cesta TK (judctk.ba-dokumenti-propisi-ostalo).

Obrazac mora biti uredno popunjen, potpisan i ovjeren od strane nadležne lokalne samouprave (grad/općina) na čijem se području nalazi most koji je predmet prijave za izgradnju (obrazac je

potrebno čitko popuniti, sve rubrike moraju biti ispunjene, u suprotnom prijava će se smatrati neurednom i biti će odbačena)

Uz Obrazac prijave prilaže se sljedeća dokumentacija:

- posjedovni list, kopiju katastarskog plana i zemljišnoknjižni izvadak za dionicu lokalne ceste na kojoj se izgrađuje most uključujući i okolno zemljište koje je tretirano projektom,
- odobrenje za građenje mosta,
- dva printana primjerka glavnog projekta izgradnje mosta na lokalnoj cesti koja se nalazi na području Tuzlanskog kantona,
- jedan primjerak glavnog projekta izgradnje mosta u elektronskoj formi.

Dokumentacija se prilaže u originalu ili ovjerenoj fotokopiji.

IV

Nakon završenog Javnog poziva, Direkcija će sačiniti prijedlog Odluke o odobrenim projektima sanacije (rehabilitacije) lokalnih i nerazvrstanih cesta na području Tuzlanskog kantona koji su zadovoljili kriterije iz Odluke Vlade Tuzlanskog kantona prema Pravilniku o načinu bodovanja prijavljenih projekata i dostaviti Ministarstvu zajedno sa pratećom dokumentacijom radi upućivanja na razmatranje Vladi Tuzlanskog kantona.

Na prijedlog Ministarstva, Vlada Tuzlanskog kantona donosi Odluku o odobrenim projektima izgradnje mostova na lokalnim cestama Tuzlanskog kantona po ponovljenom javnom pozivu, koja će biti objavljena na web stranici Vlade Kantona, Ministarstva i Direkcije.

Nakon donošenja Odluke o odobrenim projektima izgradnje mostova na lokalnim cestama Tuzlanskog kantona, Direkcija će sklopiti sa nadležnim jedinicama lokalne samouprave kao upraviteljima lokalnih cesta na kojima se nalazi most sporazum o saradnji u realizaciji projekata.

V

Javni poziv ostaje otvoren sedam dana od dana objave na web stranici Vlade Tuzlanskog kantona, web stranici Ministarstva trgovine, turizma i saobraćaja Tuzlanskog kantona i web stranici JU Direkcija regionalnih cesta TK i zatvara se 17.12.2025. godine u 16,00 h.

Neblagovremene prijave neće se uzeti u razmatranje.

Prijave koje ne zadovoljavaju kriterije iz tačke II biti će odbačene zaključkom, a prijave koje ne sadrže sve dokumente iz tačke III javnog poziva odbaciti će se kao nepotpune.

Prijave na javni poziv sa propisanom dokumentacijom dostavljaju se u zatvorenoj koverti u službene prostorije JU Direkcija regionalnih cesta TK, u ulici Albina Herljevića 43, 75000 Tuzla, kancelarija broj 1- na spratu, sa naznakom „Prijava na javni poziv za raspodjelu sredstava za izgradnju mostova na lokalnim cestama Tuzlanskog kantona – NE OTVARATI“, radnim danom od 7,30h do 16,00h.

Broj: 02-04-170-14/25
Tuzla, 10.12.2025. godine.



DIREKTOR

Zijad Omerčić